

Գիտություն և պատմություն

Մ. Ա. ՄԱՋՄԱՆՅԱՆ, Ա. Ա. ԼԱՆԱՅԱՆ

Ի. Մ. ՍԵՉԵՆՈՎԻ ՀԵՏԵՎՈՐԴԸ

Զգասյության հարցերը սեչենովյան ռեֆլեկտոր տեսության լույսի տակ քննարկելու, ներվիզմի դրույթներն էքսպերիմենտալ հետազոտություններով հարստացնելու և ամրապնդելու գործում փոքր դեր չի խաղացել 19-րդ դարի երկրորդ կեսերի նշանավոր ֆիզիոլոգներից մեկը՝ Սերգեյ Սոլոմոնովիչ Իստամանովը (Իստամանյան), նա ծնվել է 1852 թվականին Թբիլիսիում, Բարձրագույն կրթություն ստացել է Վյուրցբուրգի, Լայպցիգի և Իենայի համալսարաններում, 1877 թվականին վերադառնալով Ռուսաստան, նա մեծ հաջողությամբ զբաղվում է էքսպերիմենտալ հետազոտություններով, 1883—1885 թվականներին աշխատելով Ի. Ռ. Թարխանովի ղեկավարած լաբորատորիայում, պատրաստում ու պաշտպանում է «Մարդու անոթային սխեմանի վրա զգացող ներվերի գրգռման ազդեցության մասին» թեմայով իր դոկտորական դիսերտացիան, որը հրատարակվում է առանձին գրքով։ Այնուհետև Ս. Ս. Իստամանովը վերադառնում է Կովկաս։ Մոտ քառորդ դար նա ծառայեց իր հայրենի քաղաքում՝ Թբիլիսիում, 1889 թվականից ղեկավարելով կանանց վնասված հիվանդանոցը, իսկ կյանքի վերջին տարիներին՝ քաղաքային հիվանդանոցը։ Այս շրջանում նրա գիտական գործունեությունն ընթանում է վնասվածության մի շարք հարցերի լուսարանման ուղղությամբ։

Ս. Ս. Իստամանովը, Ա. Ա. Հակոբյանցի հետ միասին, աշխարհում առաջինը ստացավ կակուղ շանկրի մաքուր կուլտուրա, և դրանով իսկ գրեց վնասվածության պատմության փայլուն էջերից մեկը։ Նրա գրչին են պատկանում նաև վնասվածության վերաբերյալ մի շարք այլ աշխատություններ։

Ս. Ս. Իստամանովը եղել է Կովկասյան բժշկական ընկերության ակտիվ անդամներից մեկը և մի շարք տարիների ընթացքում ղեկավարել է այդ ընկերությունը։

Որպես լավ մասնագետ բժիշկ, Ս. Ս. Իստամանովը վայելել է մեծ ժողովրդականություն։ Նա մեռել է 1913 թվականին, Իր ժամանակին մամուլում նշվել է, որ նրա «մահը վրա է հասել իր պարտականությունները կատարելու ժամանակ՝ սրսկիչը ձեռքին, երբ նա ուղղում էր սրսկում անել հիվանդին»։

Ս. Ս. Իստամանովի դոկտորական դիսերտացիան մի արժեքավոր ուսումնասիրություն է, որը հետաքրքրություն է ներկայացնում թե՛ ֆիզիոլոգների և թե՛ հոգեբանների համար։

Կանգ առնենք այդ հետազոտության վրա։ Այստեղ Ս. Իստամանովը ելնելով բնագիտական մատերիալիզմի սկզբունքներից, տալիս է կյանք հասկացողության գիտական բնորոշումը։ Ըստ նրա, կյանքը պետք է բնորոշել որպես օրգանիզմի ռեակցիաների մի սխեմա։ Այդ ռեակցիաները միշտ դե-

տեքմինացված են օրգանիզմի վրա ներգործող արտաքին ու ներքին գրգռիչ-
 ներքին որակով և ինտենսիվությամբ: Տվյալ ռեակցիաները յուրահատուկ են,
 փոփոխվող, պայմանավորված են արտաքին ու ներքին ազդակների բազմա-
 վանությամբ և այդ բազմազանությունից բխող, ուստի և ամեն անգամ
 կենկրետ վերաբերմունք պահանջող բիոլոգիական անհրաժեշտությամբ:
 Այանքի հիմնական ֆունկցիան համարելով որոշակի, տվյալ օրգանիզմի գո-
 յության պաշտպանության տեսակետից նպատակահարմար ռեակցիաներ
 հանդես բերելու տնակությունը, Իստամանովը ցույց է տալիս կ'նդանական
 աշխարհի էվոլյուցիայի զարգացման զանազան աստիճաններին հատուկ
 ռեակցիա-հարմարման տարրեր ձևերը, սկսած ամենապարզից՝ պրոտոպլազ-
 մայի կտորիկից մինչև ամենաբարդ՝ անբավ-մկանային ապարատը: Ֆիզիոլո-
 գիական հետազոտությունն իր տրամադրության տակ ունի օրգանիզմի գոր-
 ծուն վիճակի մասին պատկերացում տվող էքսպերիմենտալ բնույթի շատ
 հնարներ այն պատճառով, որ իր՝ օրգանիզմի գործունեությունը շարուն բնույթ
 չունի, մեկ ընդմիջտ սահմանված ուղղությամբ չի ընթանում, բազմազան է,
 որովհետև անընդհատ փոխվում են այն պատճառները, որոնք կենդանու մոտ
 ակտիվություն առաջացնելու պաշտոն տնեն: Այստեղից էլ այդ ներքին ակտի-
 վության բազմապիսի ձևերը իրենց արտահայտությամբ տարրեր դրսևորում-
 ներով հանդերձ, որոնք անպայմանորեն պետք է ընդգրկվեն ֆիզիոլոգիական
 հետազոտությունների շրջանակներում: Ըստ Իստամանովի, օրգանիզմում կա-
 տարվող ֆիզիկո-քիմիական բնույթ ունեցող ամեն մի ինտիմ պրոցես, որի
 հիմքում ընկած են արտաքին ու ներքին ազդակների ներգործումները, չի կա-
 րող արտաքնապես, այս կամ այն ձևով, ավելի կամ պակաս ինտենսիվու-
 թյամբ չդրսևորվել: Իրեն ժամանակակից ֆիզիոլոգիական մի շարք ուսումնասի-
 րությունների հիմնական թերությունը Սերգեյ Իստամանովը համարում է այն,
 որ այդ ուսումնասիրություններն ընդգրկում են միայն այնպիսի ռեակցիաները,
 որոնց դրսևորումը, ցցում լինելով հետազոտման տեսակետից, փորձարարի
 համար մեծ դժվարություններ չեն ընձեռում: Իսկ ցցուն, հեշտությամբ որս-
 վող ձևով են դրսևորվում արտաքին ու ներքինի տեժը, բայց ոչ տեական գր-
 գռիչների ազդեցությունից առաջացած ռեակցիաները: Ինչ վերաբերում է թույլ,
 ոչ էֆեկտիվ դրսևորում առաջացնող, բայց տեական բնույթ ունեցող, հետևա-
 րար և մշտական փոփոխություններ առաջացնող ազդակների ներգործության
 հետևանք հանդիսացող ռեակցիաներին, ապա նրանց ուսումնասիրության աս-
 պարեզում շատ քիչ բան է արված: Այդպիսի գրգռիչներից են ջերմությունը,
 խոնավությունը, սովորական լույսը, սովորական ձայնը և այլն: Պրոֆ. Թար-
 խանովի առաջարկությունը՝ իր լաբորատորիայում զբաղվել արտաքին էֆեկտի
 տեսակետից ամենաշատ, բայց տեական, օրգանիզմի գոյության համար ամեն-
 նաանհրաժեշտ ռեակցիաների ուսումնասիրությամբ, Իստամանովի կողմից
 ջերմորեն է ընդունվում: Այդ դժվարին թեման նա համարձակ ընտրում է նաև
 այն պատճառով, որ Սեչենովի կողմից հայտնաբերված կենտրոնական արգե-
 յակման երևույթը հնարավորություն էր տալիս բոլորովին նոր ձևով ըմբռնելու
 դրգռիչների ազդեցությանը վերաբերող և պարադոքսալ թվացող այնպիսի մի
 երևույթ, որի էությունն այն է, որ երբեմն թույլ համարված գրգռիչը տալիս է
 մաքսիմալ էֆեկտ, իսկ տեժը՝ մինիմալ: Այդ ժամանակներում դեռևս առեղծ-
 վածային համարվող միևնույն գրգռիչի և՛ պեսիմում, և՛ օպտիմում էֆեկտ
 առաջացնելու հնարավորությունները, իր՝ Իստամանովի խոստովանությամբ,

խիստ հետաքրքրեցին նրան։ Այժմ ֆիզիոլոգիան ունի շատ փաստեր, նշում է Իստամանովը, որոնք ազդարարում են այն մասին, որ առաջին հայացքից ամենշմարելի բնույթի արտաքին և ներքին գրգռիչները որոշ պայմաններում կարող են ուժեղ էֆեկտներ առաջացնել։ Ահա թե ինչու հայրենական ֆիզիոլոգիայի մեջ նա առաջինը ձեռնարկեց տարբեր զգայական նյարդերի (ներանց ոեցեպտորային վերջույթների) գրգռման ազդեցությունը օրգանիզմի վերջավորությունների ծավալի լայնացման վրա երևույթի էքսպերիմենտալ հետազոտությանը։ Նրա հետազոտություններն ընդգրկում էին նաև զգայական նյարդերի գրգռման հետևանքով մաշկի ջերմաստիճանի, դարկերակի գործունեության, արյան ճնշման բարձրացման կամ իջեցման փոփոխություններին վերաբերող հարցերը։ Կարևորն այստեղ նաև այն է, որ Իստամանովը այդ հետազոտությունները կատարում է մարդու վրա։ Օգտագործելով եղած փորձը, նա մշակում է այդ հարցերն ուսումնասիրելու յուրահատուկ մեթոդիկա, ստացված տվյալները համեմատում է կենդանիների վրա կատարած այլ հետազոտողների արդյունքների հետ, ճշտում նրանց տվյալները, որոշ դեպքերում պարզում իրեն հետաքրքրող խնդիրներում ոչ միայն մարդու և բարձր կենդանիների միջև եղած ընդհանուրը, այլև սպեցիֆիկումը, հայտնաբերում է աֆափսի օրինաչափություններ, որոնք բացարձակ նորություն էին պսիխո-ֆիզիկայի ասպարեզում։ Իստամանովի ուսումնասիրությունների հետաքրքիր արդյունքներից բերենք մի քանիսը։

ա) Մաշկի ոեցեպտորները գրգռելով թե՛ թույլ և թե՛ ուժեղ գրգռիչներով, Իստամանովը նկատեց անոթային սիստեմում կատարվող և հարմարողական բնույթ ունեցող զգալի փոփոխություններ։ Գրգռիչների մի մասը անոթային մկանների տոնուսը բարձրացնում է, իսկ մյուս մասը՝ թուլացնում։ Զերմային ազդակները, լայնացնելով ծայրամասային անոթները, օրգանիզմի համար ավելորդ ջերմային էներգիայից ազատվելու բարեհաջող պայմաններ են ստեղծում, ցրտային գրգռիչների նկատմամբ օրգանիզմի հանդես բերած ռեակցիան՝ անոթների նեղացումը, նույնպես բիոլոգիապես նպատակահարմար է այնքան, որքան դրանով ջերմությունը օրգանիզմում պահելու նպաստավոր վիճակ է առաջանում։ Ցավ պատճառող գրգռիչները պերիֆերիկ մասերի անոթները լայնացնում են, իսկ մաշկի համար հաճելի ազդակները՝ խոռոտ տալը, տաք շնչով փչելը՝ նեղացնում։ Ցավային գրգռիչներին տրվող ռեակցիան՝ անոթների լայնացումը, ինքնապաշտպանական նշանակություն ունի, արյան կուտակում է առաջացնում մարմնի որոշ մասերում։ Նեղացումը, անոթների մկանների տոնուսի բարձրացումը օրգանիզմի կենսունակությունը բարձրացնող արյան ուժեղ հոսանք է առաջացնում։ Իստամանովը մարդկային էմոցիաները իրավացիորեն կապելով զգայությունների հետևանքով օրգանիզմում կատարվող փոփոխությունների ու դրսևորումների հետ, ցույց է տալիս, թե ինչպես բերանի լորձաթաղանթի և մաշկի այլ մասերի գրգռման հետևանքով առաջացած՝ արյունատար անոթների մկանների լայնացումը կամ նեղացումը (կծկումը) որոշակի դեր ունի մարդու ինքնազգացման ստեղծման գործում։ Ըստ Իստամանովի, դրա պատճառներից մեկն այն է, որ լայնացումը (թուլացումը) դժվարացնում է մարսողության պրոցեսը, իսկ նեղացումը (կծկումը) ուժեղացնում է։

Բերելով մաշկի իլլյուզիոնար գրգռման (Իստամանովը «իլլյուզիոնար» գրգռիչ ասելով, ըստ էության, նկատի ունի այն, ինչը Ի. Պ. Պավլովը հետա-

դայում անվանեց պայմանական գրգռիչ) հետևանքով նույնանման ունակ-
ցիաների առաջացման օրինակներ, Իստամանովը ենթադրում է, որ արտաքին
գրգռիչների առաջացած սոմատիկ բնույթի փոփոխությունները այլ կերպ չի
կարելի բացատրել, քան օրգանիզմում կատարվող ինտիմ բնույթի ֆիզիկո-քի-
միական պրոցեսների և նրանաց գրսևորումների վրա գլխուղեղի ազդեցու-
թյամբ:

բ) Իստամանովը ճաշակելիքային նյարդի վերջավորությունները գրգռում
է այդ ունեցատորի համար սպեցիֆիկ հանդիսացող բոլոր շորս որակի գրգռիչ-
ներով՝ թթվով, դառնով, քաղցրով և աղիով: Այդ էքսպերիմենտների հետևան-
քով նա բացահայտում է հետևյալ երևույթները. թթուն (կիտրոնաթթու, աղո-
տաթթու), առաջացնելով արյունատար անոթների նեղացում, փոքրացնում է
վերջավորությունների ծավալը, իջեցնում է մաշկի ջերմությունը, հաճախեցնում
է զարկերակը, բարձրացնում է արյան ճնշումը: Քաղցրի ազդեցության հետե-
վանքները հակառակն են, նրա ներգործության դեպքում արյունատար անոթ-
ները լայնանում են, վերջավորությունների ծավալը մեծանում է, մաշկի ջեր-
մաստիճանը՝ բարձրանում, զարկերակը դանդաղ է գործում: Աղին վերը նշված
երկու ներհակ տեսակի ունեցիականներն էլ կարող է առաջացնել, նայած լուծույ-
թի մեջ պարօնակվող աղի քանակին: Բերելով մի շարք օրինակներ, ինչպես և
կատարելով էքսպերիմենտներ իլլյուզիոնար գրգռման ասպարեզում (օրինակ՝
կտրած կիտրոնը տեսնելու և կիտրոնը ճաշակելու) ստացված ունեցիականներին
վերաբերող, Իստամանովը նորից հաստատում է Սեչենովի դրույթները այդ
պրոցեսների ուֆլեկտոր լինելու, նրանց առաջացման գործում գլխուղեղի ինչ-
որ կենտրոնների ունեցած դերի մասին:

Ոչ միայն ֆիզիոլոգիայի, այլև գիտական հոգեբանության համար կարևոր
նշանակություն ունեն Իստամանովի այն հետազոտությունները, որոնք վերա-
բերում են ձայնային գրգռիչի ազդեցությանը վիզեսուատիվ պրոցեսների վրա:
Ինչպես հայտնի է, դեռ Պլատոնն ու Արիստոտելն են ընդգծել երաժշտության
կարևոր նշանակությունը մարդու դաստիարակության ու կրթության համար:
Պյութագորասը գիտության պատմության մեջ առաջինն է բացահայտել
երաժշտության բուժիչ ազդեցությունը մի քանի տեսակի հիվանդությունների
վրա: Բուրդուա Դե-լա-Մոտը արձանագրել է երաժշտության բարերար ազդե-
ցությունը կոմատոզ վիճակում գտնվող հիվանդի վրա, հիվանդի շնչառությունը
տավիղի քնքույշ հնչյունների տակ դառնում է արագ, խորը և երաժշտության
տեմպին համապատասխան, զարկերակն աշխատում է լրիվ և ճիշտ, վերջա-
վորությունների ջերմությունը բարձրանում է: Իստամանովը այդ էմպիրիկ
տվյալները գիտական էքսպերիմենտների միջոցով ստուգելով պարզեց, որ
երաժշտության ազդեցության տակ արյունատար անոթների մկանների տո-
նուսն սեղանում է, մարմնի ջերմությունն իջնում է, արյան ճնշումը՝ բարձրա-
նում, իսկ զարկերակի գործունեությունը՝ արագանում: Նա նույն արդյունքը
ստացավ նաև այն դեպքերում, երբ փորձարկումն իրեն խիստ ներշնչում էր, որ
ինքը երաժշտություն է լսում: Բերելով փաստեր այն մասին, թե ինչպես կրա-
կոցը լսելուն պատրաստվելը համարյա նույն վեգետատիվ էֆեկտներն է առա-
ջացնում, ինչ որ կրակոց լսելը, Իստամանովը նորից հաստատում է իր ենթա-
դրությունը վիզեսուատիվ պրոցեսների վրա կեղևային պրոցեսների ազդեցու-
թյան մասին և դրանով իսկ պաշտպանում է մարմնական բոլոր պրոցեսները
ուֆլեկտոր բնույթի լինելու խիստ առաջադեմ թեզը:

Իստամբանովը հատուկ հետազոտություններ է կատարել պարզելու համար լույսային և մթության գրգռիչների ազդեցությունը վեգետատիվ պրոցեսների վրա։ Նա իր տրամադրության տակ ուներ տվյալներ այն մասին, որ լույսի ազդեցության տակ շնչառությունն արագանում է, իսկ կլանված թթվածնի քանակը՝ մեծանում։ Նրան հայտնի էր նաև այն փաստը, որ լույսի առկայությամբ օրգանիզմն ավելի արագ է աճում, քան մթության մեջ։ Որոշ տարափոխիկ հիվանդություններով, օրինակ՝ բժավոր տիֆով տառապողը մթության մեջ ավելի արագ է բուժվում, քան լույսի դեպքում։ Մուկը ավելի բարենպաստ պայմաններ է ստեղծում աֆազիայով, մելանխոլիայով և մի շարք այլ հիվանդություններով տառապողների բուժման համար։ Իստամանովի հետազոտությունները ցույց տվեցին, որ մթից լույսի անցնելիս արյունատար անոթները և մի շարք այլ օրգանների մկանային հյուսվածքների տոնուսը բարձրանում է, վերջավորությունների ծավալը փոքրանում է, ջերմաստիճանն ընկնում է, զարկերակը հաճախանում է։ Վեգետատիվ բնույթի փոփոխությունները հատկապես ցայտուն են արտահայտվում լույսից մթին անցնելիս։ Նթե քթի լորձաթաղանթը գրգռելու լինենք քլորաֆորմով, էթերով, ամոնիակով, քացախաթթվով, կամ խտուտ տանք, կնկատենք, որ սկզբում շնչառության ուժով զանգաղում է, բայց շուտով (մի երկու րոպեից հետո) վերադառնում է նորմային։ Սրտի բարախումներն սկզբում համարյա կաշկանդվում են, հետո դանդաղում և միայն երկար ժամանակ անց վերականգնվում են նորմային։ Արյան ճնշումը բարձրանում է։ Գրգռման կրկնություններն առաջացնում են ադապտացիայի երևույթը։ Իստամանովի հետազոտությունները ցույց տվեցին, որ օրգանիզմում կատարվող վեգետատիվ պրոցեսների վրա դուրեկան և անդուրեկան հոտերի ազդեցության բոլոր ձևերը ենթակա են որոշակիորեն ակնառու մի օրինաչափության։ Որպես կանոն, մարդու համար անդուրեկան հոտերն իջեցնում են մաշկի ջերմաստիճանը, վերջավորությունների ծավալը փոքրացնում, արյան ճնշումը բարձրացնում են, իսկ զարկերակի գործունեությունը արագացնում։ Դրան ներհակ երևույթներ են առաջանում դուրեկան հոտերի ազդեցության տակ։ Այդ օրինաչափությունը Իստամանովը տարածում է նաև ճաշակելիքային գրգռիչների վրա։ Իր էքսպերիմենտներից Իստամանովը անում է ֆիզիոլոգիայի և հոգեբանության զարգացման համար կարևորագույն նշանակություն ունեցող մի շարք եզրակացություններ։ Առաջին եզրակացությունն այն է, որ արտաքին զգայարանի նույնիսկ աննշան գրգռման դեպքում առաջանում են պերիֆերիկ մասերի արյան շրջանառության փոփոխություններ։ Դրանով պետք է բացատրել, նշում է Իստամանովը, որ այդպիսի գրգռումների դեպքերում պերիֆերիկ մասերի մաշկի ջերմաստիճանը կամ իջնում է կամ բարձրանում, վերջավորությունների ծավալը կամ փոքրանում է կամ մեծանում, արյան ճնշումը փոխվում է, ավելի քիչ, բայց նկատելի փոփոխություններ են կատարվում սրտի աշխատանքի և շնչառության ուժի մեջ։ Այն ենթադրությունը, թե այդ փոփոխությունները ներքին, անմիջական բնույթ ունեն, վեգետատիվ են և չեն շոշափում կենտրոնական բարձրագույն նյարդային համակարգը, Իստամանովը համարում է խիստ կասկածելի։ Բերելով Սեչենովի օրինակը այսպես կոչված իլլյուզիոն գրգռումների (հոգեկան երևակայական բնույթի) նույնատիպ հետևանքի մասին, ինչպես և ֆիզիոլոգիային հայտնի երևույթները՝ ամոթից կարմրելու, վախից դունաստվելու և այլն, Իստամանովը այն համոզմունքն

է հայտնում, որ նման ռեֆլեքսները առանց գլխուղեղի կեղևի ամբիջական մասնակցության առաջանալ չեն կարող:

Իստամանովը վկայակոչում է նաև Ի. Մ. Սեչենովի և Ի. Ռ. Թարխանովի կողմից վերոհիշյալ երևույթի վերաբերյալ կատարած դիտողությունները:

«Երևույթների այդ կատեգորիային, դրում է Ս. Իստամանովը, — վերաբերում են նաև ցրտի սոսկ մտապատկերման դեպքում սաղամաշկի առաջացման ու մաշկի գունատման վերին աստիճանի հետաքրքրական դեպքերը, որոնք դիտել են պրոֆ. Սեչենովը, ինչպես նաև պրոֆ. Թարխանովը»: Այս հատվածի ծանոթագրության մեջ Իստամանովը նշում է Ի. Մ. Սեչենովի «Գլխուղեղի ռեֆլեքսները» աշխատությունը:

Մտապատկերների վերաբերյալ սեչենովյան ուսմունքը հայրենական ֆիզիոլոգիայի և հոգեբանության խոշորագույն նվաճումներից է: Առաջնորդվելով սեչենովյան ուսմունքով, Ս. Իստամանովը էքսպերիմենտալ ճանապարհով ցույց է տալիս այն փոփոխությունները, որոնք առաջանում են համապատասխան իդիոմոտոր շարժումների հետևանքով արյան շրջանառության մեջ: Դրանով Ս. Իստամանովը էքսպերիմենտալ ճանապարհով ապացուցում և հարստացնում էր իդեոմոտոր շարժումների բացատրության Ի. Մ. Սեչենովի իդեան:

Այն փաստը, որ Իստամանովը ընթացել է Սեչենովի ուսմունքի ուղիով, պատահական չէ, քանի որ Իստամանովը, ինչպես վերը ասվեց, եղել է Թարխանովի աշակերտը: Թարխանովը իր հերթին հանդիսացել է Սեչենովի աշակերտը և նրա հաջորդը՝ Ռազմարժչկական ակադեմիայի ֆիզիոլոգիայի ամբիշնում: Իր մի շարք հետազոտություններով Թարխանովը զարգացրել է Սեչենովի ուսմունքը, զարգացրել, պրոպագանդել նրա գաղափարները:

Այսպիսով, աշխատելով այն լաբորատորիայում, որը նախկինում ղեկավարել էր Սեչենովը, վերջինիս աշակերտ և հետևորդ Թարխանովի ղեկավարությամբ, Իստամանովը իր գոկտորական դիսերտացիան գրելիս կրել է Սեչենովի գաղափարների ազդեցությունը:

Այսպիսով, Իստամանովը

ա) առաջիններեց էր, որ կասկածի տակ դրեց վեգետատիվ պրոցեսների ավտոմատիկ լինելու տարածված դրույթը:

բ) ընդգծեց գլխուղեղի կեղևի մասնակցությունը նաև վեգետատիվ պրոցեսներում, նշեց կեղևի կապը ներքին օրգանների հետ, պաշտպանեց ներվիզմի դարաշրջան կազմող դրույթը:

գ) պաշտպանեց և նոր, այլ ասպարեղներում վերաբերող էքսպերիմենտներով հաստատեց սեչենովյան ռեֆլեկտոր տեսությունը:

դ) ընդգծեց այժմյան, սլավոլոլյան տերմինով ասած, արտաքին զգայարանների գործունեության ամպայման ռեֆլեկտոր և պայմանական ռեֆլեկտոր բնույթ ունենալը:

ե) հետևելով Սեչենովին, հոգեկան երևույթները մեկնարանեց որպես գլխուղեղի ռեֆլեքսներ:

Այսքանն էլ բավական է, որ Ս. Ս. Իստամանովի անունը հաստատ կերպով մտնի հայրենական ֆիզիոլոգիայի և հոգեբանության պատմության մեջ:

Մ. Ա. ՄԱՅՄԱՆՅԱՆ և Ա. Ա. ԼԱԼՅԱՆ

ПОСЛЕДОВАТЕЛЬ И. М. СЕЧЕНОВА

Р е з ю м е

В деле обсуждения и обогащения теории ощущений в свете рефлексорного учения И. М. Сеченова, в вопросе закрепления положения нервизма путем экспериментальных исследований, немалую роль сыграл один из выдающихся физиологов второй половины 19-го века Сергей Соломонович Истаманов (Истаманян).

Он родился в 1852 г. в г. Тифлисе. Образование получил в Вюрцбургском, Лейпцигском и Иенском университетах. В 1877 г. вернувшись в Россию, он начал с большим успехом заниматься экспериментальными исследованиями в лаборатории Военно-медицинской академии под руководством проф. И. Р. Тарханова, в которой и проработал с 1883 по 1885 год.

В 1885 г. Истаманов защищает докторскую диссертацию под названием „О влиянии раздражения чувствительных нервов на сосудистую систему человека“. Своими экспериментами Истаманов пришел к выводу, что даже путем незначительного раздражения органов чувств можно получить изменения периферической части кровообращения. То предположение, что эти изменения имеют внутренний, непосредственный характер и не затрагивают центральную высшую нервную систему, Истаманов считает весьма спорным.

Приводя пример Сеченова об идентичных результатах при так называемых иллюзионных раздражениях (психического характера), а также явления покраснения от стыда, побледнения от испуга, Истаманов приходит к выводу, что такого рода рефлексy не могут протекать без непосредственного участия коры головного мозга.

1. Таким образом С. С. Истаманов был одним из первых, кто брал под сомнение распространенное в то время положение об автоматичности вегетативных процессов.

2. Он указал на участие коры головного мозга, так же и в вегетативных процессах, подчеркнул связь коры с внутренними органами, защищая теорию нервизма.

3. Путем новых экспериментов подтвердил учение Сеченова о рефлексах.

4. Говоря современным языком, подчеркнул безусловный рефлексорный и условно рефлексорный характер деятельности внешних органов чувств.

5. Следуя учению Сеченова, психические процессы он объясняет как рефлексy головного мозга.

В результате исследований, проведенных С. С. Истамановым, его имя твердо вошло в историю отечественной физиологии и психологии.